

## Кораксола памаш.

Ожно Кораксолаште памаш шуко лийын. Нунын кокла гыч иктыже-«Йушто памаш». Тудо олмапу пакча дечын йоген толеш. Вүдшо чынак чот йушто лийын, но йүмеке нигунамат черланен огытыл. Кызыт тиде памашым эрыктен огыт шого, садлан вүдшо изиш веле лектеш.

Садовый урем вуйышто кок корем ушна. Тыште «Андрей памаш» йоген. Тушто кызытат эре вүдыжго шинча. Но ял калык тиде тураште шүкшакым кышкен. Илен толын памаш йомын. Вара вүд корным эрыктеныт да вүдым тушеч налаш тунгалыныт. Кызыт тушто чашкер кушкын шинчын. Ожно тиде коремыште ош шуным конга чиялташ налын иленыт. Тиде кундемыште памаш шинчаже шуко. Тыште илыше калык шкаланышт вүдым күнченыт да памаш вүд дене пайдаланен илат.

1930 ийлаште яллан ик памашым ышташ пунчалыт. Тушко пурам руэн шындат. Илен толын пура шўын, садлан 1951-1952 ийлаште бутовый кү дене цементироватлен ачален шындыныт. Тунам колхоз председательлан Эманов Илларион Дмитриевич шоген. А прораблан изаже - Эманов Степан Дмитриевич ыштен. Кўжым Старый Завод ял воктечын луктыныт да шупшыктеныт.

Кызыт тиде памашым моторын сōрастарен, левед шындыныт. Ял калык тушеч йўаш вүдым нумалеш, вургемым шўалташ тушко коштеш. Кажне ийын ачален шогат.

Памаш йогымо дене ялыште кок пўя уло. Иктыже памаш воктене, весыже ўлнырак, тўвыра пōрт ваштареш. Пўя йыр пушентым шындыныт , кажне шошым эрыктен шогат.

*Александрова Ольга Михайловнан каласкалымыжым библиотекарь  
Кириллова Т.А. возен налын.*